

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



四. 十迴向 – 兜率天宮

昇兜率天宮品

兜率宮中偈讚品

十迴向品



華嚴經兜率宮中偈讚品之十方菩薩偈讚之一

神力集眾		爾時，佛神力故，十方各有一大菩薩，一一各與萬佛刹微塵數諸菩薩俱，從萬佛刹微塵數國土外諸世界中，來詣佛所。
十幢菩薩		其名曰：金剛幢菩薩、堅固幢菩薩、勇猛幢菩薩、光明幢菩薩、智幢菩薩、寶幢菩薩、精進幢菩薩、離垢幢菩薩、星宿幢菩薩、法幢菩薩。
十妙世界		所從來國，謂：妙寶世界、妙樂世界、妙銀世界、妙金世界、妙摩尼世界、妙金剛世界、妙波頭摩世界、妙優鉢羅世界、妙栴檀世界、妙香世界。
十幢佛果		各於佛所，淨修梵行，所謂：無盡幢佛、風幢佛、解脫幢佛、威儀幢佛、明相幢佛、常幢佛、最勝幢佛、自在幢佛、梵幢佛、觀察幢佛。（十方結構見附24-1）
化師子座		其諸菩薩，至佛所已，頂禮佛足；以佛神力，即化作妙寶藏師子之座，寶網彌覆，周匝遍滿；諸菩薩眾，隨所來方，各於其上結跏趺坐。
菩薩成就功德	依自性起	其身悉放百千億那由他阿僧祇清淨光明，此無量光皆從菩薩清淨心寶離眾過惡大願所起，顯示一切諸佛自在清淨之法；以諸菩薩平等願力，能普救護一切眾生，一切世間之所樂見，見者不虛，悉得調伏。
	依十波羅蜜入法界	其菩薩眾，悉已成就無量功德。所謂：遍遊一切諸佛國土，無所障礙，見無依止清淨法身；以智慧身，現無量身，遍往十方承事諸佛；入於諸佛無量無邊不可思議自在之法，住於無量一切智門，以智光明善了諸法；於諸法中得無所畏，隨所演說，窮未來際；辯才無盡，以大智慧開總持門，慧眼清淨入深法界，智慧境界無有邊際，究竟清淨猶若虛空。
十方同化		如此世界兜率天宮，諸菩薩眾如是來集；十方一切兜率天宮，悉有如是名號菩薩而來集會，所從來國、諸佛名號，亦皆同等，無有差別。
兩膝放光		爾時，世尊從兩膝輪，放百千億那由他光明，普照十方盡法界、虛空界、一切世界。彼諸菩薩，皆見於此佛神變相；此諸菩薩，亦見於彼一切如來神變之相。
如是菩薩所得因緣成就	佛	如是菩薩皆與毘盧遮那如來，於往昔時，同種善根，修菩薩行；
	法	悉已悟入諸佛自在甚深解脫，
	僧	得無差別法界之身，入一切土而無所住；
	精進	見無量佛，悉往承事；於一念中，周行法界，自在無礙；
	禪定	心意清淨，如無價寶；無量無數諸佛如來，常加護念，共與其力，到於究竟第一彼岸；
	般若	恒以淨念住無上覺，念念恒入一切智處；
	方便	以小入大，以大入小，皆得自在，通達無礙；已得佛身，與佛同住；獲一切智，從一切智而生其身；
	願	一切如來所行之處，悉能隨入；開闡無量智慧法門，到金剛幢大智彼岸，獲金剛定，斷諸疑惑；
	力	已得諸佛自在神通，普於一切十方國土，教化調伏百千萬億無數眾生；
	智	於一切數，雖無所著，善能修學，成就究竟方便，安立一切諸法。
		如是等百千億那由他不可說無盡清淨三世一切無量功德藏諸菩薩眾，皆來集會，在於佛所；因光所見，一切佛所，悉亦如是。

華嚴經兜率宮中偈讚品之十方菩薩偈讚之二

東方——大圓鏡智 金剛幢菩薩		爾時，金剛幢菩薩承佛神力，普觀十方而說頌言：
	佛	如來不出世，亦無有涅槃，以本大願力，示現自在法。
	法	是法難思議，非心所行處，智慧到彼岸，乃見諸佛境。
	僧	色身非是佛，音聲亦復然，亦不離色聲，見佛神通力。
	精進	少智不能知，諸佛實境界，久修清淨業，於此乃能了。
	禪定	正覺無來處，去亦無所從，清淨妙色身，神力故顯現。
	般若	無量世界中，示現如來身，廣說微妙法，其心無所著。
	方便	智慧無邊際，了達一切法，普入於法界，示現自在力。
	願	眾生及諸法，了達皆無礙，普現眾色像，遍於一切刹。
	力	欲求一切智，速成無上覺，應以淨妙心，修習菩提行。
	智	若有見如來，如是威神力，當於最勝尊，供養勿生疑。
南方——平等性智 堅固幢菩薩		爾時，堅固幢菩薩承佛神力，普觀十方而說頌言：
	佛	如來勝無比，甚深不可說，出過言語道，清淨如虛空。
	法	汝觀人師子，自在神通力，已離於分別，而令分別見。
	僧	導師為開演，甚深微妙法，以是因緣故，現此無比身。
	精進	此是大智慧，諸佛所行處，若欲了知者，常應親近佛。
	禪定	意業常清淨，供養諸如來，終無疲厭心，能入於佛道。
	般若	具無盡功德，堅住菩提心，以是疑網除，觀佛無厭足。
	方便	通達一切法，是乃真佛子，此人能了知，諸佛自在力。
	願	廣大智所說，欲為諸法本，應起勝希望，志求無上覺。
	力	若有尊敬佛，念報於佛恩，彼人終不離，一切諸佛住。
	智	何有智慧人，於佛得見聞，不修清淨願，履佛所行道？
西方——妙觀察智 勇猛幢菩薩		爾時，勇猛幢菩薩承佛神力，普觀十方而說頌言：
	佛	譬如明淨眼，因日觀眾色，淨心亦復然，佛力見如來。
	法	如以精進力，能盡海源底，智力亦如是，得見無量佛。
	僧	譬如良沃田，所種必滋長，如是淨心地，出生諸佛法。
	精進	如人獲寶藏，永離貧窮苦，菩薩得佛法，離垢心清淨。
	禪定	譬如伽陀藥，能消一切毒，佛法亦如是，滅諸煩惱患。
	般若	真實善知識，如來所稱讚，以彼威神故，得聞諸佛法。
	方便	設於無數劫，財寶施於佛，不知佛實相，此亦不名施。
	願	無量眾色相，莊嚴於佛身，非於色相中，而能見於佛。
	力	如來等正覺，寂然恒不動，而能普現身，遍滿十方界。
	智	譬如虛空界，不生亦不滅，諸佛法如是，畢竟無生滅。

華嚴經兜率宮中偈讚品之十方菩薩偈讚之三

光明幢菩薩	北方——成所作智		爾時，光明幢菩薩承佛神力，普觀十方而說頌言：
		佛	人間及天上，一切諸世界，普見於如來，清淨妙色身。
		法	譬如一心力，能生種種心，如是一佛身，普現一切佛。
		僧	菩提無二法，亦復無諸相，而於二法中，現相莊嚴身。
		精進	了法性空寂，如幻而生起，所行無有盡，導師如是現。
		禪定	三世一切佛，法身悉清淨，隨其所應化，普現妙色身。
		般若	如來不念言，我作如是身，自然而示現，未嘗起分別。
		方便	法界無差別，亦無所依止，而於世間中，示現無量身。
		願	佛身非變化，亦復非非化，於無化法中，示有變化形。
		力	正覺不可量，法界虛空等，深廣無涯底，言語道悉絕。
		智	如來善通達，一切處行道，法界眾國土，所往皆無礙。
智幢菩薩	東北方——彌勒法相智		爾時，智幢菩薩承佛神力，普觀十方而說頌言：
		佛	若人能信受，一切智無礙，修習菩提行，其心不可量。
		法	一切國土中，普現無量身，而身不在處，亦不住於法。
		僧	一一諸如來，神力示現身，不可思議劫，算數莫能盡。
		精進	三世諸眾生，悉可知其數，如來所示現，其數不可得。
		禪定	或時示一二，乃至無量身，普現十方刹，其實無二種。
		般若	譬如淨滿月，普現一切水，影像雖無量，本月未曾二。
		方便	如是無礙智，成就等正覺，普現一切刹，佛體亦無二。
		願	非一亦非二，亦復非無量，隨其所應化，示現無量身。
		力	佛身非過去，亦復非未來，一念現出生，成道及涅槃。
		智	如幻所作色，無生亦無起，佛身亦如是，示現無有生。
寶幢菩薩	東南方——普賢法界智		爾時，寶幢菩薩承佛神力，普觀十方而說頌言：
		佛	佛身無有量，能示有量身，隨其所應觀，導師如是現。
		法	佛身無處所，充滿一切處，如空無邊際，如是難思議。
		僧	非心所行處，心不於中起，諸佛境界中，畢竟無生滅。
		精進	如翳眼所覩，非內亦非外，世間見諸佛，應知亦如是。
		禪定	饒益眾生故，如來出世間，眾生見有出，而實無興世。
		般若	不可以國土，晝夜而見佛，歲月一刹那，當知悉如是。
		方便	眾生如是說，某日佛成道，如來得菩提，實不繫於日。
		願	如來離分別，非世超諸數，三世諸導師，出現皆如是。
		力	譬如淨日輪，不與昏夜合，而說某日夜，諸佛法如是。
		智	三世一切劫，不與如來合，而說三世佛，導師法如是。

華嚴經兜率宮中偈讚品之十方菩薩偈讚之四

西南方—— 精進幢菩薩		爾時，精進幢菩薩承佛神力，普觀十方而說頌言：
	佛	一切諸導師，身同義亦然，普於十方刹，隨應種種現。
	法	汝觀牟尼尊，所作甚奇特，充滿於法界，一切悉無餘。
	僧	佛身不在內，亦復不在外，神力故顯現，導師法如是。
	精進	隨諸眾生類，先世所集業，如是種種身，示現各不同。
	禪定	諸佛身如是，無量不可數，唯除大覺尊，無有能思議。
	般若	如以我難思，心業莫能取，佛難思亦爾，非心業所現。
	方便	如刹不可思，而見淨莊嚴，佛難思亦爾，妙相無不現。
	願	譬如一切法，眾緣故生起，見佛亦復然，必假眾善業。
	力智	譬如隨意珠，能滿眾生心，諸佛法如是，悉滿一切願。 無量國土中，導師興於世，隨其願力故，普應於十方。
西北方—— 離垢幢菩薩		爾時，離垢幢菩薩承佛神力，普觀十方而說頌言：
	佛	如來大智光，普淨諸世間，世間既淨已，開示諸佛法。
	法	設有人欲見，眾生數等佛，靡不應其心，而實無來處。
	僧	以佛為境界，專念而不息，此人得見佛，其數與心等。
	精進	成就白淨法，具足諸功德，彼於一切智，專念心不捨。
	禪定	導師為眾生，如應演說法，隨於可化處，普現最勝身。
	般若	佛身及世間，一切皆無我，悟此成正覺，復為眾生說。
	方便	一切人師子，無量自在力，示現念等身，其身各不同。
	願	世間如是身，諸佛身亦然，了知其自性，是則說名佛。
	力智	如來普知見，明了一切法，佛法及菩提，二俱不可得。 導師無來去，亦復無所住，遠離諸顛倒，是名等正覺。
下方—— 星宿幢菩薩		爾時，星宿幢菩薩承佛神力，普觀十方而說頌言：
	佛	如來無所住，普住一切刹，一切土皆往，一切處咸見。
	法	佛隨眾生心，普現一切身，成道轉法輪，及以般涅槃。
	僧	諸佛不思議，誰能思議佛？誰能見正覺？誰能現最勝？
	精進	一切法皆如，諸佛境界然，乃至無一法，如中有生滅。
	禪定	眾生妄分別，是佛是世界；了達法性者，無佛無世界。
	般若	如來普現前，令眾生信喜，佛體不可得，彼亦無所見。
	方便	若能於世間，遠離一切著，無礙心歡喜，於法得開悟。
	願	神力之所現，即此說名佛，三世一切時，求悉無所有。
	力智	若能如是知，心意及諸法，一切悉知見，疾得成如來。 言語中顯示，一切佛自在，正覺超語言，假以語言說。

華嚴經兜率宮中偈讚品之十方菩薩偈讚之五

上方——法界智 法幢菩薩		爾時，法幢菩薩承佛神力，普觀十方而說頌言：
	佛	寧可恒具受，一切世間苦，終不遠如來，不覩自在力。
	法	若有諸眾生，未發菩提心，一得聞佛名，決定成菩提。
	僧	若有智慧人，一念發道心，必成無上尊，慎莫生疑惑。
	精進	如來自在力，無量劫難遇，若生一念信，速登無上道。
	禪定	設於念念中，供養無量佛，未知真實法，不名為供養。
	般若	若聞如是法，諸佛從此生，雖經無量苦，不捨菩提行。
	方便	一聞大智慧，諸佛所入法，普於法界中，成三世導師。
	願	雖盡未來際，遍遊諸佛刹，不求此妙法，終不成菩提。
	力	眾生無始來，生死久流轉，不了真實法，諸佛故興世。
	智	諸法不可壞，亦無能壞者，自在大光明，普示於世間。

附24-1：華嚴經兜率宮中偈讚品十方世界會集眾上首菩薩

		上 - 法界智			
		世界	妙香世界		
		佛號	觀察幢佛		
		菩薩	法幢菩薩		
		寶座	妙寶藏師子座		
西北 - 觀音方便智		北 - 成所作智		東北 - 彌勒法相智	
世界	妙優鉢羅世界	世界	妙金世界	世界	妙摩尼世界
佛號	自在幢佛	佛號	威儀幢佛	佛號	明相幢佛
菩薩	離垢幢菩薩	菩薩	光明幢菩薩	菩薩	智幢菩薩
寶座	妙寶藏師子座	寶座	妙寶藏師子座	寶座	妙寶藏師子座
西 - 妙觀察智		中 - 自性本體		東 - 大圓鏡智	
世界	妙銀世界	世界	娑婆世界	世界	妙寶世界
佛號	解脫幢佛	佛號	毘盧遮那佛	佛號	無盡幢佛
菩薩	勇猛幢菩薩	會處	一切妙寶所莊嚴殿	菩薩	金剛幢菩薩
寶座	妙寶藏師子座	寶座	摩尼藏師子座	寶座	妙寶藏師子座
西南 - 文殊應用智		南 - 平等性智		東南 - 普賢法界智	
世界	妙波頭摩世界	世界	妙樂世界	世界	妙金剛世界
佛號	最勝幢佛	佛號	風幢佛	佛號	常幢佛
菩薩	精進幢菩薩	菩薩	堅固幢菩薩	菩薩	寶幢菩薩
寶座	妙寶藏師子座	寶座	妙寶藏師子座	寶座	妙寶藏師子座
		下 - 法性智			
		世界	妙栴檀世界		
		佛號	梵幢佛		
		菩薩	星宿幢菩薩		
		寶座	妙寶藏師子座		

*此十方眾上首菩薩說偈讚佛者，表十方信成就，及此十迴向法於四天下十方之相應成就。

(返回第324頁)